



Inatsisartunut ilaasortaq Peter Olsen, Inuit Ataqtigiit

Asasara Peter Olsen

Inatsisartut suleriaasianni § 37 naapertorlugu apeqquteqaatinut nassiussanut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

1. Naalakkersuisut oqaatigisinnaanerpaat aasaq manna qaammat Maj-miit ullumikkumut illoqarfinni assigiinngitsuni pujornera pissutigalugu qanoq annertugisumik – qasseriarluni piffissaq eqqorlugu minngitsoortoqarlunilu aallanngitsoortoqarsimanersoq?

Naamik. Tikinnermi aallarnermilu kinguaattoornerit pillugit paasissutissiinerit taamak sukumiitiginngillat, allaat silap pissusai aalajangersimasut pissutigalugit kinguattoornerit qassiunersut takuneqarsinnaallutik.

2. Naalakkersuisut oqaatigisinnaanerpaat aasaq manna Maj-miit ullumikkumut ilaasut qanoq amerlatigisut pujornera pissutigalugu piffissaq eqqorlugu apuuffissaminnut apuutinngitsoorsimanersut?

Takuuk apeqqummut 1-imut akissut.

3. Taamatut piffissaq eqqorlugu minngitsoornerit, aallanngitsoornerillu qanormita Mittarfeqarfinnut imaluunniit Air Greenlandimut qanormita aningaasatigut kinguneqarpat? Aningaasartuuteqarnerulernermik kinguneqarsimanerpat?

Minneq imaluunniit aallarneq pinngitsoorpat Mittarfeqarfiit akitsuutitigut isertitassaraluaminnik annaasaqartarput. Taamaattorli minneq imaluunniit aallarneq kingusinnerusukkut naammassineqarpat taava Mittarfeqarfiit piffissami tassani taarsiullugu isertitaqassaaq. Kinguaattoornerup kingunerisaanik malunnaatilimmik Mittarfeqarfinnut annertuumik aningaasartuutaappat, soorlu mittarfiup immikkut ammatinneqartariaqarneratigut, tamanna timmisartuutileqatigiiffinnit matussuserneqassaaq.

Air Greenland-ip immikkut ittumik aningaasartuuteqarsimaneranik Naalakkersuisut paasissutissanik pigisaqanngillat.

4. Naalakkersuisuniit uppersarneqarsinnaanerluni inuit pujortillugu kinguaattoorsimaneq pissutaalluni nutaanik billetisisariaqartarsimanersut?

Soorlu apeqqut 1-imi oqaatigineqareersoq pujornera pissutigalugu kinguaattoornernut tunngatillugu Naalakkersuisut paasissutissaateqanngillat. Ataatsimoortumik

14-08-2018

Suliap normu: 2018 - 15405

Allakkap nr. 32081345

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

Fax: (+299) 34 63 56

www.naalakkersuisut.gl

paasissutissiissutigineqassaaq, angalasoq silap pissusaa pissutigalugu kiffartuussinissamik isumaqatigiissuteqarfiup aammalu niueqatigiinnermi angallaviit akornanni kinguartooraluarpat, angalasut maani najugaqavissup Kalaallit Nunaanni apuuffissamut imaluunniit Islandimi Danmarkimiluunniit tikiffissamut siullermut billetimik nutaamik tunineqassaaq.

5. Pujorneranik peqquteqartumik minngitsoortarnerit pinaveersaartinniarlugit Naalackersuisummita qanoq pilersaaruteqarpat?

Mittarfeqarfiit ilisimatitsipput, Mittarfeqarfiit mittarfinni tamani Global Navigation Satellite Systems (2D atorlugu mikkiartortarnermut atortorissaarutinut) (GNSS), atortut atorlugit mikkiartortarnermut atortorissaarutit qaammataasanut attavillit (iliuusissanut siumut aalajangeriikkanut arlalinnut, timmisartumi atortut atornagit, tassalu atortunut nammineq passunneqarsinnaanngitsunut atortorissaarutit) ingerlaavartumik aningaasaliisarsimasut. Taakku ullumikkut Mittarfeqarfiit mittarfiutaannit 13-iusunit qulit saqqummiunneqareerput. Kingullernut pingasunut kingusinnerpaamik 2019-imi suleriaasissat ilusilerneqarnissaat, atorsinnaaneriniq uppersaanissaq, misiliilluni timmisartornissaq, akuersissuteqarnissaq saqqummersitsinissarlu pilersaarutigineqarput.

Taakku saniatigut Ineqarnermut Attaveqatigiinnermullu Naalackersuisoqarfik Mittarfeqarfiillu atortut atorlugit mikkiartortarnermut atortorissaarutinut (3D atorlugu mikkiartortarnermut atortorissaarutinik) pitsaanerusunut eqqornerusunullu atulersitsinissamut tunngavissanik pilersitsisoqarsinnaaneranut periarfissanik, taamaalillunilu isikkiviluttumi mittoqarsinnaanngorniarlugu ingerlaavartumik misissuipput.

6. Mittarfiit soorliit pujoraluarpalluunniit miffigineqarsinnaanissamut atortorissaaruteqarpat?

Mittarfiit 13-it Mittarfeqarfinnit ingerlanneqartut taamaallaat eqqoqqissaartumik mikkiartorfissaanngitsutut sanaajupput, taamaattumillu tamatumunnga akuerisaanatik. Mittarfiit marluk, tassalu Nuummi Kangerlussuarmilu localizer-inik ("atortut atorlugit mikkiartortarnermut atortorissaarutit affaannaat") mittarfiit isuisa aappaannaanni atortoqarput, isikkivilungaatsiartillugu pilotip minnissaanut ikiorsiissutaasinnaasunik.

7. Mittarfik ataaseq putseraluarpalluunniit miffigineqarsinnaanngorlugu atortorissaarutilersorneqassagaluaruni (instrument landing system) qanormita aningaasatigut naleqassagaluarpa?

Atortut atorlugit mikkiartortarnermut atortorissaarutinik ikkussuinissaq qanoq akeqassanersoq aningaasaqarnikkut teknikkimullu tunngatillugu naatsorsuiffigineqarsimanngilaq. Kisiannili mikkiartortarnermut atortorissaarutinik (eqqoqqissaartumik mikkiartortarnermut) nalinginnaasunik ikkussuisoqassappat, mittarfimmut ataatsimut millionit kisitsisinik marlunniit pingasunut aallaqqaatillit atorneqassasut missiliuisoqarpoq.

Inussiarnersumik inuulluaqqusillunga

Simon Simonsen